

眼科新書

二

武9

726

2



中武
726
2

眼科新書卷之二

目錄

淚管病篇第四

眼目乾燥

眼眵

大眚腫瘍

淚管癭

淚阜毀損

大眚污穢

白膜病篇第五

淚出不止

淚囊蓄水腫

大眚潰瘍

大眚瘰癧肉

眼眥爛蝕

帶血淚出

眼科新書

卷之二目錄



淚腫眼

白膜脈腫

白膜膿疱

白膜痞癩

白膜疫毒腫

疼痛眼

白膜血斑

白膜水疱

白膜顆肉

白膜潰瘍

眼科新書卷之二

日本若州醫員 江都杉田豫立卿 譯述

淚管病篇第四

眼目乾燥

此症則由淚液之為不足所發也。淚液為不足則眼目乾燥以為濁暗不潔也。蓋見此症者為發劇烈諸症之一惡徵也。

類證

其一熱病症 此症則熾盛熱病之所兼發也。

治法 在治其本病外用滋潤劑附錄退焮劑附錄

其二虛脫症 此症則發於大脫諸液之後又必發於將死之前也

治法 宜與性良食餌也

其三焮腫症 此症則焮腫眼之所兼發也

治法 見焮腫眼症

其四旅行症 此症則由旅行冒暑以洩脫諸液或久羈行砂地所發也

治法 在洗淨眼目以滋潤之即水眼藥中加楤棒核液或錦葵葉煎湯或溫乳汁等也

淚出不止

此症則如水或如鹹渣之稀液自眼目流出也此液也不特自淚腺出自角膜及白膜之氣孔瞼內之脂腺亦滲泄之也

近因 此由淚液之夥為分利或收約括藏淚液之諸具皆自放開所發也

類證

其一衝戟眼內症 此症則由砂塵或烏煙烈香等入眼內或有睫毛內刺症所發也

治法 在消除其所侵入者

其二 焮腫症 此症則濕症焮腫眼之所兼發也

治法 在治焮腫眼

其三 酷厲液症 此症則由冒寒傷冷毒痛風毒內科撰要所謂

伊儒痘疹毒徽毒等惡液沈伏眼內或遏閉蒸發氣以

動毀破其保收淚液之諸具所發也此症淚液為浸淫其

臉緣及頰糜爛至以剝落肌皮也

治法 施下劑利尿劑發汗劑打膿法打膿法詳見傷醫新書打膿法篇

發泡膏串線法串線法詳見傷醫新書串線法篇藥以導泄其眼內所沈

伏酷厲液而用甘和劑附錄外用金公水或乳汁加洎夫藍

或楹棹核液或大麥餬附錄等也

其四 角膜白膜淚腺等氣孔弛開衰弱症 此症則角膜

含濕氣赤色而酷痛是其徵也

治法 內服解熱皮法列力克納外用冷水加膽礬及龍

腦或又加燒酒

凡此症有妨於喻收淚液之諸具者而發又有閉塞淚管

之病因而發也其症記于左

其一 淚點或淚管瘡著症 此症則發于患火傷或潰瘍

之後也便撿淚點可以知之

治法 須以大細鍼自外面刺開其所瘡著之淚孔或截

開淚囊自其創口向外面可以刺徹淚管及淚孔而開之

也

其二鼻管閉塞症 此症則由淚囊患蓄水腫所發也

治法 在開鼻管詳于淚囊蓄水腫症

其三鼻痔壓窄鼻管孔症

治法 在除治鼻痔

不路乙斯曰雅寧人之說見自淚囊所根之鼻痔云

其四內眥腫瘍壓淚囊或淚管生石灰樣腫症

治法 在除治其腫瘍見大眥腫瘍症

其五淚阜減消或不足症 此症則為不治也

其六眼瞼諸病症 此症則其淚孔由為大眥息肉眼瞼

內友若外友兔眼或瞼緣腫起等失其常所發也

治法 在各治其本病

其七淚點弛開症 此症則由括約淚孔之筋力致麻痺

所發也

治法 宜健神劑

其八淚孔毀敗症 此症則由諸般毒液侵蝕穿毀淚孔

之細筋纖維而喩收括約其淚液之精力致衰弱所發也

治法 在治其穿蝕

眼眇 此症則自瞼緣而滲出如膿之粘液也

近因 此酷厲液之聚於脂腺也

罹此患者其粘液每夜令眼瞼附着因遂為赤腫每多從此發焮腫眼淚管癭眼瞼外反等諸症也

類證

其一小兒症 此症則每多於小兒特多自頭瘡疥癬等致內攻而發者也

其二大人及老人症 此症則在小兒者累日連月隨自當治在老人者甚頑強而不容易治在老人及酒客者為難治也

治法 頻用下劑且可施發泡膏打膿法又神功石製法見下

水解或點眼膏中加赤汞丹等用之

不路乙斯曰速荅郎鐸別羅杭各人之說凡眼眇症百方

無功者籠動諸厄利亞國都名之藥局有一奇方即是緩腐劑

也以此為泥攤作半月形以貼耳後令之膿潰凡四七

日要令其瘡口不痊又以續隨子裡皮附錄貼耳後項窩

亦良也其功俱相若能成膿瘍以收奇效

神功石方 礬石焰硝膽礬各等分右件合勻入土器

內上火熔化而後入龍腦少許

其三黴毒症 此症則多發于淋病或白帶下閉澁以為

內攻者又在小兒則發于其父母有黴毒者也

治法 外用即前症所述之方法而內服水銀劑也
其四 鷄瘤毒症

治法 解熱皮加悉鳩烏荅黑汞丹錄附及安的謨溺錄附服
之此症峻下劑則有害矣

其五 壞血病症 此症則內服壞血病主劑而神功石或
青金糖錄附水錄附解塗之

淚囊蓄水腫

此症則淚囊腫起而以指按之出清稀淚液或有交白條
縷者共自淚點或鼻管而流泄或有兩道共流泄者也
近因 此由淚囊致衰弱或鼻管為閉塞所發也

類證

其一 淚囊衰弱症 此症則試以指按之其囊內所聚之
淚液直自鼻管而流出是其見徵也

治法 用健運水劑即燒酒加合膽礬龍腦少許以水銃
射灌淚囊內且以冷水洗之又須施安定巾以徐徐按合
淚囊也

其二 鼻管閉塞症 此症則從其起因而施治故各為區
別即記于左

第一 粘稠液症

治法 滌除水劑即野麩霍劑附錄或蓬砂或硃砂或膽

礬以水解之每日數回點滴大眚或以小水銃自下之淚
點射入之

第二鼻管收約筋牽縮症 此症則極力按之則淚液流
泄于鼻中是其見徵也

治法 緩和水劑錄附以水銃射入之或以緩和水劑熨之
第三鼻管皺縮症 此症則非截開其淚囊不可得而辨
知焉

治法 先初緩和水劑以水銃射入之行之其閉塞若不
得開通則須截開其淚囊而以絃或蠟線子或鉛條穿納
之於鼻管中凡數七日以此鼻管能得開通則宜瘥其創

口也詳見淚管癭症

第四鼻痔症

治法 在治其鼻痔

大眚腫瘍

此症則生腫瘍於淚囊之外面也

類證

其一焮腫症 此症則發焮熱腫痛於大眚也

治法 以金公水洗之且用藥劑

其二膿腫症 此症則生腫瘍於大眚也此既患焮腫後
變成膿瘍或他膿氣移地以至大眚也

眼科新書 卷之二
治法 貼脂液膏或施緩和錮劑以令其膿早熟而截開之可以取去其膿也

其三固結腫症 此症則發硬腫瘍於大眥也此症多變成癌也

治法 用悉鳩烏答

其四包膜腫症 此症則錮瘤之類而無疼痛皮色亦不變滑澤而移動之小腫生於大眥也

治法 用石鹼膏解散之若無効者須截斷之

其五鹹渣樣液症 此症則其腫內有如鹹渣液也若不解散者亦須截斷之

其六石灰及骨塊樣腫症 此症則生堅硬腫瘍於內眥也此症每起因於徵毒者也

治法 以瑞香錄附煎湯服水銀劑貼水銀膏

其七包淚腫症 此症則由淚囊有壅闕其淚液者所發也

治法 見淚囊蓄水腫症

其八淚管癭樣症 此症則由如膿之粘液聚淚囊所發也

治法 見淚管癭症

大眥潰瘍

此症則發潰瘍於淚囊之外面也

病因 此由創傷或隔皮傷或焮腫或淚管癢或黴毒其他酷厲液為侵淫所發也

類證

其一單症 此症則唯大眦生潰瘍未侵淚囊也

治法 創水方附錄可用之

其二癌樣症 此症則固結腫之已成癌者也

治法 同眼瞼癌

其三黴毒症

治法 外用袖水膏內服水銀劑也

其四朽骨瘡症 此症則或有兼淚管癢者也

治法 內外共用防朽劑附錄也

其五淚管癢樣症 此症則由淚囊或毀傷或截開所發而是一箇內眦潰瘍也

治法 同淚管癢

淚管癢

此症則內眦之輕腫而以指按之則如膿之粘液自淚點或鼻管而流出或兩道共流出便以此辨知為其本證也

近因 非是太眦內有潰瘍但如膿之粘液自淚囊之腺

而流出也。又別生潰瘍於其部者甚罕矣。設令雖生其部其所流出之如膿液則與此全異其起因者也。

不路乙斯曰：凡流出如膿之粘液而其患部無顯然潰瘍之症於體躬諸部亦甚多如淋疾白帶下之症其陰部雖無顯然焮腫潰瘍乎然漏泄如膿之粘液也如感冒症其頭部雖無顯然潰瘍乎然自鼻中流泄如膿之粘液也如痔疾家之漏泄白汁亦復爾爾如石淋家每自小便流泄許多如膿液如勞咳家日吐出若干如膿液雖云是膿汁也既見以石淋死之膀胱及以勞咳死之肺藏共無所發潰瘍處也。

本因 此由痘瘡麻疹鵝瘤黴瘡等酷厲液流滯于淚囊之腺淚囊因屢發焮腫或閉塞鼻管或停滯淚液于淚囊或打撲傷淚囊所發也。

凡此症分之為二曰單症曰併症。其單症則鼻管無閉塞而以指按內眥則如膿之粘液自淚點及鼻管而流出也。

治法 野麩灌劑或神功石或蓬砂合砂糖之水劑或峻腐石水劑或膽礬或龍腦或泄鐸力泄羅索烏水劑等每日數回點滴內眥自淚點令以吸收於淚囊內也。吸收之法宜用左之法先令患者仰卧而取小羽管截兩

端而相通者其一端下口浸于水藥中其一端上口以指固抑之則一滴水藥保其管中乃進下端於大眥上而放其所抑上端之指則自其上口空氣入焉而管中水藥自下以滴入眼內也水藥已能入眼內則令患者閉合眼瞼且以指少運動眼中然則水藥能自淚孔而吸收於淚囊內也

又或水眼藥可以小水銃自下之淚點射灌於淚囊內也其法如左

第一以左手自外眥瞼下斜牽下瞼則其內眥內能自見焉

第二右手持水銃正斜量宜以下其銃口細管先自淚孔納淚管而可徐納諸淚囊內也

第三銃中水藥於是乎可射灌之但勿一舉射灌之何則淚囊為之澎脹故也

第四令其所射入之水藥保於淚囊內凡半時或一時可以按出之如是施法日兩三回凡施此法其餘徐徐當如滴入也蓋兼焮腫者勿施之何則以此衝動其部則有却招害故也

其二淚囊兼焮腫症此症則流出如膿之粘液而內眥及淚囊赤腫焮痛是其候也發此焮腫一年三四回其發

時用退焮劑則不日消除然每月一發或七日一發如是數數而發者雖用退焮劑甚頑強而難愈者多

治法 第一以金公水或水眼藥洗之又施銃法於此症則衝動淚孔常以致焮腫也第二刺絡法下劑及退焮劑等用之第三打膿法串線法或芫菁膏貼項窩或施蟻呬法於顳顬新書蟻呬法詳于瘍醫第四用清血劑

其三兼鼻管閉塞症 此症則按內眥則流出如膿之粘液而唯淚孔流出之鼻管則更無流出焉便可以此知其鼻管為閉塞也

治法 在開其閉塞也若由粘液所閉塞者則滌除水劑

以水銃射灌之可以除其粘液也又有鼻管之括約筋為牽縮以縮閉焉者有鼻管為皺縮而自然窄室焉者如然者須以所左述之術療之

截開淚管瘻兼鼻管閉塞之療術

第一截淚囊第二通鼻管第三乾自其鼻管所出之膿汁

第四要瘻其所截之外表創
蓋施此術也一則防止膿汁夥聚淚囊以澎脹雖以指壓出之而弗泄出其近傍因將致破裂者也二則防止淚囊膿潰為毀敗或淚管致腐蝕者也
預用意之法

凡施療術之前先用下劑又多血之人一二日前施刺絡法食飲亦用防止焮腫之品夜中若有膿汁聚淚囊以為澎脹則其翌必不可壓出之此以却為施截術之便故也

療術所用之諸具

小刀 截淚囊之用也
是內翳刀為良

三稜鍼 或滅羊所製之鍼
刺鼻管之用也

勾三稜鍼 刺淚骨之用也

絃 備細大數品○不路乙斯曰取此絃能濕濡之作鏡
於其端以垂之自然令以延引而乾之切之一指長

其切端以小刀削尖之

蠟線子 細小者

鉛條

緋子 以綿撒系所造而細小者

繡帶

諸厄利亞膏 攤作半月形者

行療術坐居法

先令患者憑椅子而向精明以仰頭須傷人扶之無以動

搖醫師則向其前而立 豫云西洋常憑椅子故施療術時亦然我邦則起卧唯醫家所欲

而可也他皆倣之

療術

第一醫師以小刀就其患處而截之其幅二三分其深則

良斗新書

宜須及其淚囊內腫起處也

第二以絛子填充其創口而以謠厄利亞膏蓋之且施繃帶焉而三日間勿動之

第三於其四日須取去其創口之膏劑并絛子而以三稜鍼自鼻管刺到鼻孔可以開通之其徹也血液二三滴鼻中自出是即其閉室既致開通之候也

第四如右行之畢而拔去其鍼乃以細絛穿納於其所開通之鼻中其翌則代之以稍大之絛於其三日代之以其尤大者其絛於鼻中見濕濡而自成天以潤其管內也至其用大絛則日以新絛代之或三七日或四七日可行之

又其絛止端出於淚囊創口處則少曲折之以膏貼之此為其絛之不自脫落也

第五過此而往以加涵鉛醋所製蠟線子代大絛以穿納於鼻管中凡十四日而後又十日或十四日之間以鉛條代蠟線子可以穿納焉且其間數度涵鉛醋或貼乙鄧人水劑附錄可以水銃射灌之以此其所截開之鼻管徐徐致乾燥也

第六如此而後鉛條亦拔去之而以謠厄利亞膏或黃龍膏附錄蓋貼其外表創以此其創不日自瘳

不路乙斯曰它涅羅名人之療法先初不截淚囊但以細

條自淚孔穿納之滅羊名人則以絃自鼻孔入於鼻管以
開通其閉塞也然拉轉冷丟速名人及哈拔溺修速名人之
說以上諸法共取功甚少却為害云

臨施療術時或發作之諸症

第一截淚囊而有多出血者是毀傷內眥之動脈故也即
可用綿撒糸馬勃之類止之

第二經截治後或有成淚出不止症者此自淚囊為衰弱
或淚孔若淚管見瘡合所發也故欲瘡其淚囊創時一則
以細條一則以水銃穿通鼻管以防其瘡合也或若愈其
創而後鼻管致瘡合者宜須再復截淚囊貫淚管以通之

也又由淚囊為衰弱弛緩所發之淚出不止症則當從淚
囊蓄水腫法而治之也

第三淚囊創之成腫樣者是為潤其鼻管而穿納維子或
鉛條時所令萌起也酪狀安的謨溺或峻腐石以水解之
數度塗其頑皮為要或以小尖刀圓迴其頑皮可以截去
之或又以芫菁膏塗維子可以潰除之即如此以除去其
頑皮則其創口宜如新創愈之

其四淚囊兼破裂症此症則淚點及鼻管由如膿之粘
液致閉塞而淚囊及其外皮遂共破裂于外面自淚囊內
之腺流泄如膿之粘液也又此破裂或于淚囊中央或于

他處下臉或又有在淚囊中央適宜處者然其破裂多是甚小也宜當十分廣之此宜穿納絃於鼻管故也其非適宜處者更施截術於淚囊為要不然不能治其本病也其五淚管及淚骨兼腐蝕症此症則朽骨瘡或惡臭瘻瘡或鼻中發惡臭或生瘰肉於淚囊若鼻管也此由急于截開淚管瘻所發也

治法 第一內服則防朽劑即解熱皮加阿魏第二外用則峻腐石濃水劑或以小刀截去其瘰肉而後點滴龍骨木脂乳香或沒藥灌劑可以禦其腐骨增長第三此症鼻管終為腐敗者則以三稜鍼雖開之而不能也又如用絃

亦難通也此宜須以勾三稜鍼自淚骨貫內膜別造新孔也如此行術後血液自鼻孔出及鼻中所含之氣自瘻瘡創口出者即是貫淚骨以致開通之候也

不路乙斯曰以勾三稜鍼貫之宜慎如法行之軟骨前延長之處及篩骨平面之處必勿令鍼觸焉如是用心宜令通於下方也內方也後方也不然或至毀傷鼻隔及水綿樣岐骨之危也

第四其開孔也速以絃子填充焉而三日間勿動之第五按去右之絃子後以三絢大絃穿納於新孔或三七日或四七日以此令其孔為潤也

第六如是行後以鉛心蠟線子以豫按以鉛為心所造之蠟線子也或鉛條其大如前絃者代前絃穿納於新孔凡二十五日其間宜用收斂水劑灌溉患處以乾之也

第七終除去前鉛心蠟線子或鉛條而可愈其淚囊外面創也

其八兼酷厲毒症 此症則微毒鵝瘤毒痘毒癌毒或其他酷厲毒等兼發之也

治法 各就其本病用之方法可以兼治之

大昔瘰肉

此症則淚阜之致腫脹也罹此患者眼形醜惡淚出不止

或成眼瞼外反等患害也

類證

其善症 此症則瘰肉軟赤而無疼痛其狀殆與桑椹相似也

治法 第一以涵鉛醋令乾燥之第二以絲自其根紮切之第三以小刀截斷之第四以腐劑消除之

不路乙斯曰無鹽牛酪四錢赤汞丹二分二釐右二物合勻之即是腐蝕劑之良方也

其二惡症 此症則其瘰肉甲錯而硬其色如鉛而刺痛多是變成癌瘡也

治法 宜如癰瘡治之

其三兼淚阜焮腫症 此症暴赤腫起為焮熱疼痛此為其候此症時或自成長大亦自破開以泄出膿汁而復自速縮消也

治法 先初可以金公水消散之若無効者數日之間施緩和餉劑而後可截開之

淚阜毀損

此症則由天稟或酷厲液或創傷或誤貼腐劑所發也此為不治

眼眥爛蝕

此症則瞼緣接合處眥即眼也或潰爛或穿蝕多是在內眥也

類證

其一淚液酷厲症 此症則有酷厲液毒故淚出不止也

治法 除治其淚出而後峻腐石水劑可施之

其二大眥潰瘍症

治法 先治其內眥潰瘍而可治此症即見內眥潰瘍症眼眥污穢

此症則如膿之液滯在內眥也

近因 此由眼眵之聚內眥所發也

類證

眼科新書

卷之二

六

其一尋常症 此症則由夜不寢或久旅行砂地或有他疾病所發也

治法 宜洗潔眼目

其二經久不止症 此症則如膿之液自淚腺而滲出也

治法 見眼眵症

帶血淚出

此症則帶血之淚液自然而流出也

近因 此動脈之支末為衰弱弛解也嘗見一婦人之月經不自子宮通而血液自眼中出者也

治法 宜施刺絡以通利其經閉也

○白膜病篇第五

焮腫眼

此症則白膜或眼球全腫起而發焮熱赤痛也

近因 此由血液聚攻脈絡澎脹為焮熱衝動也其症患者或有覺眼膜一體而然者或有覺各部一處而然者

蓋此症由其所在輕重長短兼併病因等分類以異其名也

所在區別

其一外部症 此症則發焮腫於白膜或角膜也

其二內部症 此症則發焮腫於虹彩即葡萄膜或脈絡膜也

其三眼皆症 此症則特唯內眥若外眥發焮腫也

輕重區別

其一輕症 此症則僅發焮腫也

其二重症 此症則劇發焮腫也

長短區別

其一暴卒症 此症則焮腫兼熱而發無久稽留也

其二持久症 此症則焮腫無熱而發大抵數月或經年

為久稽留也

其三發作有時症 此症則焮腫不差時日而發作也

兼併區別

其一併症 此症則為他眼疾所併發也

其二兼症 此症則他眼病之所兼發也

其三濕症 此症則焮腫之兼流出鹹渣樣或膿樣之液也

也

其四燥症 此症則焮腫絕無流出汁液以為乾燥也

病因區別

其一外因 此謂根外傷之地以發焮腫也

其二支因 此謂腹內或體軀他部已有病根因支分及

眼目以發焮腫也

其三本因 此謂病因不係他部特唯眼目發焮腫也

其四酷厲毒因 此謂他病毒酷厲液轉其地以侵眼目也此由黴毒淋疾毒痘疹毒癰瘡毒冒寒傷冷毒熱病毒諸瘡內攻毒或壅遏體軀之蒸發氣所發也

其一輕症 此症則焮腫眼之尤輕者而白膜微赤疼痛亦輕此由犯煙氣或齒牙萌出或讀書過精或冒炎暑或塵砂入眼或兩行侵濕或逢燥風若寒風等所發也

治法 金公水或冷水可洗之然其焮腫稍長者須施刺絡法及下劑也

其二重症 此症則焮腫眼之尤劇者而白膜極赤如猩

猩絨然其為腫脹突然高於角膜而角膜則凹然如陷也
瞼亦赤腫劇痛徹眉夜則殊甚寢食共廢唯覺頭腦及眼中
有鼓動者也此候初發尤甚患者為之眼心共朦憤焉
○此症自其初發甚為險重不可容易治動輒破裂眼球
也或又瘥後白膜遺脈腫角膜致曇暗或成淚管癭或生
翳翳其他發難治諸症遂至以喪明也

治法 於其初發須速以左之方法疎導泄之也

第一屢施刺絡法於肘中足跗及頸血脈

第二行蟻啞法於眼眥

第三刺開顛顛之動脈

第四初用峻下劑後用緩下劑以屢導泄之

第五貼芫菁膏於項

第六清涼菓液錄附加焰硝罌粟苞煉錄附加用之

第七用右諸方如無効者宜以鉞鍼刺其所腫脹脈絡也

不路乙斯曰刺焮腫眼內之血脈以瀉出其所鬱蓄之

血液且頻以溫湯洗之或慰之尤良也余思惟刺體中

他部令以多瀉血豈若如前條直就眼內瀉血以得其

疎解之速哉又屋惡羅浮罌池各有抓破焮腫眼之法

即束麥芒如筆以此抓摩眼中及眼瞼也然此法勿施

焉何則以其刺衝之甚却起疼痛故也

第八外施金公水或林檎餉劑錄附加而其焮腫為減則礬石

青金糖白膽礬錄附加米水解點之

其三內部症 此症則發焮腫於蒲萄膜及脈絡膜其為

赤色最多于虹彩而白膜則少瞳孔亦收縮向明處則羞

明不能以開眼又眼底及腦中為疼痛而覺有鼓動焉者

眼球時或卒然突出或兼猛烈熱或發不寐譫妄殊是發

于少壯之人及神經易觸覺之人也○凡外部之重症焮

腫則彌蔓以入于內部又內部之發症焮腫則淫溢以出

于外部故重發之症終破裂眼球每多為不治之症也又

此焮腫一旦雖退爾後動致瞳孔收縮或虹彩附著角膜

及水晶囊或內翳眼昏暗眼視力乏弱或虹彩破裂等症
續發也

治法 同前重症

其四暴卒症 此症則是尋常焮腫眼兼發熱者而四五
日若一二七日退也○是前所謂輕症焮腫眼稍重者而
非兼異常酷厲毒者也

治法 刺絡下劑其他用退焮劑外施金公水

其五持久症 此症則荏苒持久以為宿疾眼中最赤而
多無疼痛此由脈絡之致衰弱所發也

不路乙斯曰余每多見焮腫眼其色極赤而不曾知其

疼痛者也

治法 內外共用健運劑內服解熱皮法列力它納外用
冷水或青金糖或膽礬或礬石等水劑

不路乙斯曰雞子白礬石右二物研勻之是奇效點眼
劑也然或令眼緣及眼毛粘著宜當用意焉

其六燥症 此症則荏苒涉日之焮腫而淚液不出眼亦
不腫唯眼瞼焮赤時發搔痒而且且夜則眼瞼粘著不以
離也

病因 此自血液酷厲毒而發故頑強而難退○此症致
尿意急到而難通者多是將融解之徵也

治法 用刺絡下劑利尿劑清除其毒液而以乳水或鑛水附錄或溫湯淋洗眼目或又乳汁加洎夫藍點之若林擒及乳汁餉劑或槓楂核液或大麥餉等宜採用焉

其七濕症 此症則眼瞼腫起淚液夥出或兼眼眇症也

病因 是自血液酷厲毒而發故頑強而難退且眼瞼及頰皮糜爛以致剝落也

治法 行刺絡法及施蜚唾法於眼眥且頻用下劑或貼芫菁膏於項窩若肩胛之間此症烈者施打膿法及串線法用緩和酷厲液之煮劑於其初則以槓楂核液或大麥餉所製之水眼藥等貼之且行繃縛焉至其終則石膽白

礬青金糖米水解點之

其八外傷症 此症則由突衝打撲眼目或砂塵飛蟲入眼或行內翳術或創傷眼目等所發也

治法 主腦藥酒浸以為慰藥或施林擒餉劑若刺絡法其九支因症 此症則由腸胃中有污滯所發之焮腫而各見其證候即酸敗液腐敗液膽汁敗液蛔蟲等是也凡此等諸症多無疼痛唯胃熱發作有時也

治法 開結鹽附錄或下劑也若由蛔蟲發者用殺蟲劑又由小兒齒牙生出或頭痛或諸藏閉塞或自他遠部而支分所發之焮腫則宜各就其本病而治之

其十頭腦焮腫症 此症則當以頭腦有焮腫徵知之也其症有由酷厲毒發者或有由狂躁熱發者或有由打撲暗傷頭部發者尤為惡徵是腦髓焮腫而為膿瘍或腐壞殆瀕死故也

治法 宜消除其頭腦焮腫或發狂熱

其十一多血症 此症則由血液為衝逆所發而見血液滿溢頭中之諸症候此經閉痔血閉塞或大便閉或嘔吐咳嗽或臨產致力或過服強烈諸藥等所致也

治法 施刺絡下劑及通利血液之方法金公水洗之

不路乙斯曰由經閉發者貼水蛭於陰門脣及施浴脚

其十二冒寒傷冷毒症 此症則由早天出行以受冷氣

其十二冒寒傷冷毒症 此症則由早天出行以受冷氣

而後眼目焮腫亦自消除矣

不路乙斯曰余嘗見一婦人屢患焮腫眼者因窮問之

彼婦云每栖宿濕氣未乾之屋壁必患之此以壅遏其蒸發氣故也

治法 在治冒寒傷冷毒外用乳汁加泊夫藍

其十三淋疾毒症 此症則由徽毒淋疾之致閉澁所發

也此徵毒浸淫于白膜纖維故也

區別 淋疾閉溢凡二三日後大生眼眵眼內亦赤而流
泄如尿口所出膿樣黃白液也此症如徵毒焮腫眼其焮
赤雖早且不減動輒白膜腫起角膜曇暗陷凹而成險惡
之症也

看法 此不可不急救之症也然多是內部遂為膿瘍角
膜因致濁暗不透徹漸至以喪明也

治法 施刺絡并下劑及行蜚呬法於眼背貼芫菁膏用
打膿法或以疎解餉劑附錄熨眼且以緩和熨藥方附錄施陰
華此等諸法雖勉行之多為難治余屢見用此諸法之中

遂至喪明者因別考索良法以行之其法如左

第一每日飲服甘汞丹五分

第二施蒸眼水銀湯其方甘汞丹八錢乳汁九十六錢共
合入小硝子溫之令患者臨其硝子口以蒸潤眼目為其
間每如食頃而復行之

第三此症用水銀劑如無効者以淋疾膿汁塗蠟線子穿
納諸尿管中可以種淋疾也凡此症不可刺開其所腫脹
之脈絡不唯無益却為害也

其十四徵毒症 此症則由徵毒彌蔓於全身所發而與
自淋疾而發者自為區別此症也朝朝為大減而非成險

惡燉腫者也

治法 內服甘汞丹外施蒸眼水銀湯方見或神水膏
其十五癩毒症 此症則眼目及臉緣輕發燉赤以致潰
爛而成癩樣也

治法 在治癩瘡又見臉緣赤爛症

其十六鵝癩毒症 此症則多於患鵝癩小兒而見鵝癩
毒諸症候也

治法 內服則解熱皮安的謨瀉悉鳩烏答糖附錄黑汞丹
勿蘇茶石鹼附錄砂龍膽等是也外用則解熱皮加礬石
水眼藥豫按解熱皮煎礬石者也最後宜施發泡膏串線法以表泄

其毒也刺絡及峻下劑於此症甚有害也

其十七諸瘡內攻症 此症則由痘瘡麻疹疥癬面瘡頭
瘡等為內攻後其毒及眼目所發也

治法 宜須再發其瘡而導泄其所浸淫眼目之毒液也
即串線法打膿法羌膏膏其他排出外表之方法可用之
其十八痘毒症 此症則痘瘡結痂後過一二七日發此
由患者不清潔眼目或早試出行以侵寒冷等所發也此
症甚頑強而難退或為周年不治或常流酷厲濕汁或角
膜動生斑點或令角膜厚強

治法 頻用下劑及安的謨瀉水銀劑發泡膏打膿法冷

水洗眼法等施之

其十九冒寒傷冷及痛風毒症 此症則眼內無赤色但發劇痛而流出酷厲淚液也

治法 見疼痛眼自冒寒傷冷毒而發症

其二十自然症 此症則多由房事過度所發也

治法 以冷水或金公水洗之或全身浴冷水內服健運劑即解熱皮法列力它納及銅鍊等也

其廿一兼發症 此症則為他諸症所兼發也即睫毛內刺眼眼內反麥粒腫溢刺兔眼白膜赤角膜潰瘍膿疱眼球癰創傷蒲萄膜生著砂塵入眼等所兼發也

治法 宜各就其本病而治之

其廿二流行症 此症則由冒寒傷冷毒等過閉其蒸發氣或於秋時腸胃中生腐敗污物或膽汁為敗液所發也

治法 宜各從其病因而治之

其廿三發作定時症 此症則如瘧熱往來定時而發作也此症有眼內赤者或有不赤者

不路乙斯曰谷點羅曰見日一發之焮腫眼又落旃速丁曰見三日一發之焮腫眼

治法 用導泄劑及下劑而後解熱皮用之

疼痛眼

此症則眼內無赤色而為劇痛其為痛不一或帶痒或為
焮熱或覺如見壓而痛或覺如砂石入眼而痛

類證

其一冒寒傷冷毒症 此症則由鹹渣樣液之致伏留所
發也故眼內全無赤色或少發赤色也

治法 用下劑防止焮腫又用發汗劑及貼羌膏羅此
患者不能忍一滴水液入眼中也

其二發作有時症 此症則眼內無赤色然脈數煩
渴淚出小便最赤時有灰色物沈于尿底也

治法 宜如瘡疾先初用下劑而後解熱皮或它羅溺蛤

花灌劑附錄用之

其三拘急症 此症則其眼球覺如見壓而痛是即眼球
諸筋之致拘急掣抽也多是子宮病脾病之所兼發或自
極為啼泣亦發也

治法 用鎮痙劑及健神劑

其四內部焮腫症 此症則其疼痛覺如自眼窠中推出
眼球也

治法 見內部焮腫眼症

其五水腫眼症 此症則額內為疼痛後發眼目昏暗而
致瞳孔濶大眼球突出也是起因於硝子液水腫眼初發

目科雜書
卷之二
之所得也

治法 用刺絡并下劑及貼芫菁膏即見水腫眼症

其六礮痛症 此症則其痒痛覺如砂石入眼內又是焮腫眼麥粒腫初發或砂石入眼等所兼發也

治法 以冷水或金公水洗之

其七屬症 此症則屬他眼疾發疼痛也是即焮腫眼麥粒腫等所兼發也

治法 宜各就其本病而治之

其八癌毒症 此症則由癌毒侵入眼內所發也

治法 見眼球癌症

白膜脈腫

此症則白膜之脈為腫脹也

近因 此血脈之致衰弱也

類證

其一單症 此症則患焮腫眼後每為脈腫也

治法 用膽礬水

其二兼翳症 此症則血脈為腫脹出自眼眦以至翳之木也此症以鉞鉞或內翳鉞橫截之而蘸膽礬水可以乾之又驗惡之症變眼球癌詳于眼球癌症

白膜血斑

此症則血液之溢留于白膜纖維也其見青斑或赤斑有白膜一處者有半部者有全部者

類證

其一外傷症 此症則由打撲眼目發斑於白膜也此類大抵兼焮腫也

治法 主腦藥酒浸慰之

其二自然症 此症則非曾外傷眼目但自嘔吐咳嗽或為大笑而發者也此類無至危亦無發焮腫

治法 同前症

白膜膿疱

此症則白膜部當角膜緣處發實膿液小疱而赤脈通其膿疱也

類證

其一尋常症 此症則由眼昔之為焮腫所發也

治法 退其焮腫後施龍腦水附錄而後神妙石附錄水解點之

其二酷厲毒症 此症則由徽毒痘毒其他病毒酷厲液

所發也 治法 用前症外用方而宜各從其病毒以投之服劑也

白膜水疱

此症則發實水液小疱於白膜也

類證

其一無疼痛症 此症則先刺破之而可以白膽礬水乾之

其二焮痛症 此症則其疱周圍赤而為疼痛也此由諸般病毒酷厲液所發而從此多變驗症膿瘍也

治法 消散其焮熱而施乾燥水眼藥附錄又宜與除治其病毒之服劑

白膜痞癰

此症則生小硬腫於白膜也

病因 是諸腺之為硬結也

治法 內外共用導泄劑附錄

白膜顆肉

此症則軟而帶赤之粒肉生于白膜也即是一箇瘰肉也
不路乙斯曰此粒肉以帶赤色與脂肪腫異矣脂肪腫則黃色也即見翅翳症

病因 是滲泄水樣液滯在白膜乃凝結為固硬也

類證

其一單症 此症則無係他諸症單發斯症也

治法 以膽礬水蘸之

其二併症 此症則白膜膿瘍其他諸症之所併發也

治法 點膽礬水或酪狀安的謨溺

白膜疫毒腫

此症則生一箇小腫瘍於白膜若角膜也此小腫其初發甚赤焮熱而後其瘡成痂悉變死肉也

近因 此一箇天行傳染毒也此症多是眼中一面為死肉而盲焉遂以死者亦多

治法 外用棋楂核粘汁交龍腦及金公水內服龍腦醋加解熱皮

白膜潰瘍

此症則發膿瘍於白膜而為潰破也

類證

其一單症 此症則自外傷而發或生于患焮腫眼後也

治法 愈創香油附錄或神妙石水施之

其二黴毒症 此症則由淋疾毒或黴毒驗症焮腫眼之生膿疱所發也

治法 升汞丹以薔薇蜜附錄稀解點之

其三鵝瘤毒症 此症則發于患鵝瘤毒焮腫眼後也

治法 內服解熱皮悉鳩烏答糖其他宜用消除惡液之劑外用解熱皮加礬石

砂塵入眼

此症則砂土及塵埃細蟲鍊屑等入眼內也此等諸物入眼內則每瞬動泪出及發焮痛也

類症

其一諸物在眼內症 此症則或灌水以蕩出之或筆端摩出之或以小鉗子若消息子取出之又鍊屑入眼者令磁石吸出之

其二固著角膜或白膜症 此症則可以小鉗子夾出之如不出者則其物拒留不以離也宜以針揭起而取出之西說眼科新書卷之二終

